



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1620 usque ad annum 1623

**Fleury, Claude**

**August. Vind. [u.a.], 1777**

**VD18 90118855**

§. 119. Pauli Sarp̄ii Servitæ obitus.

---

[urn:nbn:de:hbz:466:1-67344](https://nbn-resolving.org/urn:nbn:de:hbz:466:1-67344)

Postremus denique erat Hermanus Sæc. XVII.  
 Bossendorff patria Monasteriensis, qui A.C. 1623.  
 adversus Conradum Vorstium, & Ja-  
 cobum Renecium Calvinistas varia edi-  
 dit opuscula præter *Thesaurum Sponso-*  
*rum pro Virginibus Deo devotis.*

## §. CXIX.

*Pauli Sarpii Servitæ obitus.*

**H**oc item anno Venetæ Reipublicæ  
 Cato ac Theologus decessit Pau-  
 lus Sarpus Servita, qui suis lucubra-  
 tionibus celebre sibi nomen in Orbe  
 comparabat. Natus is erat Venetiis  
 die decima quarta Augusti anno Christi  
 millesimo quingentesimo quinquagesi-  
 mo secundo; juvenis adhuc Patrem  
 mortis invidia, Matrem vero Religiosa  
 professione amisit, curæ relictus A-  
 vunculi sui Ambrosii Morelli Canonici,  
 cujus opera latino, Græco, & Hebrai-  
 co idiomate, necnon Philosophicis ac  
 Theologicis disciplinis egregie imbu-  
 tus, Historiæ, Jurisprudentiæ, arti  
 Medicæ, Anatomicæ, Botanicæ, nec-  
 non Mineralogiæ sedulam navabat ope-  
 ram, tam miro progressu, ac inde ac-  
 quisito applausu, ut a summis Pontifi-  
 cibus, Cardinalibus, Principibus, ac  
 doctissimis illius ævi Viris maximo in  
 honore haberetur. Nondum vigesimum

*Spondan.*  
*tom. 3.*  
*Cont. Annal.*  
*Baron. ad*  
*ann. 1545.*  
*§ 46.*  
*Scipio Henr.*  
*Cens. Theol.*  
*Natal. Alex.*  
*tom. 8. Hist.*  
*Eccl. dissert.*  
*12. Corrig.*  
*t. 2. § seqq.*



Sæc. XVII. septimum ætatis suæ annum expleverat, cum jamjam Venetæ Ordinis sui Provinciæ regimen sibi commissum haberet, omnesque dignitatum gradus emensus esset. Fervente autem dissi-

*Vid. Supra* dio Pauli V. cum Venetis, Sarprii ho-  
*lib. 187. §. 23.* nor & pene vita in discrimen venit;  
*Et 65.* immoderato etiam patriam & Rempu-

*Aquil. de*  
*trib. Hist.*  
*Concil. Trid.*  
*pag. 18.*

blicam tuendi studio abreptus, Vati-  
canum fulmen in caput suum sibi ac-  
cessivit. Obiit Venetiis die decima  
quarta Januarii anno ætatis suæ septua-  
gesimo primo. Pluribus ejus Ortho-  
doxia valde dubia videtur, testantur-  
que Protestantium nonnulli, ac præ-  
cipue Dallæus, quod magis Calvinistis,  
quam Catholicis accedat; ut ut autem  
sit, id certum est, quod in suis scriptis  
plura contineantur, quæ Romanæ Ec-  
clesiæ doctrinis minus consona sunt;  
forte ea Protestantibus, quibuscum  
sat familiare habuit commercium, ma-  
gis placendi studio, quam veritatis a-  
more libris sui inseruit, non modo a  
Sectariis, sed & Venetiis ac rudi po-  
pulo tanti habitus, ut ejus sepulcrum  
vel t sancti cujusdam cineres venera-  
rentur, quæ tamen inconsulta pietas  
jussu Urbani VIII. Papæ coercita est.  
Sequebatur etiam circa suicidium opi-  
nionem Stoicorum, cunctique ejus-  
dem æque ac Petri Francisci Couasayeri  
Apo-



Apostatæ, qui Sarpîi Historiam notis Sæc. XVII.  
 illustraverat, errores anno Christi mil- A. C. 1623.  
 lesimo septingentesimo trigesimo septi-  
 mo Parisiis in publico conventu refel-  
 lebantur, præsentibus Cardinalium,  
 Archiepiscoporum, Præfulum & præ-  
 cipue S. Genesivæ Canonorum quam-  
 plurimis.

## §. CXX.

*Ejusdem opera.*

Plura exstant hujus Authoris opuscu- *Melang.*  
 la, ad quæ potissimum ansam præ- *Hist. de*  
 buit Venetum Pauli V. interdictum, *Vigneul.*  
 adversus quod primo considerationes *fol. I. p. 20.*  
 suas in censuram Pauli V. necnon ea-  
 rumdem confirmationem contra oppo-  
 sitiones Patris Magistri Joannis Antonii  
 Bovii Carmelitæ, & Magistri Fulgentii  
 Brixiani Servitæ typis vulgavit: Edidit  
 postea tractatum de interdicto Pauli V.  
 unacum apologia contra oppositiones  
 Cardinalis Bellarmini ad tractatus &  
 responsa Joannis Gersonis de valore  
 excommunicationis: Insuper scripsit  
 historiam particularem de rebus inter  
 Paulum V. Papam, & Rempubicam  
 Venetam agitatis: Orto autem bello  
 inter Ferdinandum Styriæ Archiducem  
 & Venetos auctam & continuatam Us-